




E ne e le phakela kwa lefelong la diphologolo, mme Henny motlhokomedi wa diphologolo o ne a iketlile ka mogodungwana.

Kwa lesakaneng, batlhokomedi ba lebelela bana ba diphologolo tse di tlhokang tlhokomelo e e kgethegileng. Motlhokomedi Henny o ne a emetse ngaka ya diphologolo go goroga.



Ngaka Nosiso ke ngaka ya diphologolo yo o alafang
diphologolo tse di tlhaga. O ne a etetse lefelo la diphologolo
go bona mangawana a mararo a a sa tswang go tsalwa.

Fa Ngaka Nosiso a se na go tlhatlhoba masea,
batlhokomedi ba diphologolo, Henny le Ann ba a fepa.



Fa helikoptara ya lefelo la diphologolo e dikologa go tlatlhoba, mofofisi a lemoga namane ya tlowana e robetse fa fatshe. Tloana e ne e idibetse.

Helikoptara e ne ya tsaya Ngaka Nosiso le motlhokomedi Henny go ba fofisetsa kwa tloaneng.



"Tloana e tlhoka go ya kwa bookelong ba diphologolo ka bonako!" ga bua Ngaka Nosiso.

Batlhokomedi ba baya namane mo lempara. Helikoptara ya fofisetsa tloana kwa bookelong.



Fa tloana e setse e tswile mo kotsing, ya boela kwa lesakaneng.

“O tshwanetse go bo o ntse malatsinyana kwa ntle ga metsi,” ga bua motlhokomedi Henny fa a ntse a e fepa.



Morago ga dibekenyana, namane ya gola mme ya tia. Ya gola ya nna tloana e e matlhagathaga eo e neng e rata go tshameka mathaithai mo batlhokomeding.

Tloana e ne e rata motlhokomedi Henny thata.



Bosigo bongwe lori e ne ya tlisa thutlwana e e lwalang kwa lefelong la diphologolo.

Batlhokomedi ba botlhe ba ne ba tshwanela go thusa go sutisetsa thutlwana ka pabalesego kwa lesakaneng.



Ngaka Nosiso a kwala melemo ya thutlwa.

Botlhe ba ne ba tshwenyegile ka maemo a phologotswana e, gone e ne e palelwa ke go ikemisa.



Mo dikgweding, ngwana wa thutlwa a gola go tia le go nna motelele.

Mothokomedi Henny, a simolola go dirisa lere go thutlwana e e golang.



Ka seabakanyana, diphologolo tse di itekanetseng di tla boela kwa lefelong la diphologolo. Mme ga jaana, di itumelela go tshameka mmogo kwa lesakaneng.

Diphologolo di botlhokwa fela jaaka batho ba ba di tlhokomelang.